

平治庸萃
三卷
元朱震亨著

内科摘要
三卷
薛己著



平治會萃卷一

元

朱

震亨 著

明薛

已校

吳玄有閱

中風

千富重校

中風不治證口開手撒眼合遺尿吐沫直視喉如鼾睡肉脫筋痛皆不治○大率治風主血虛有痰以治痰為先或虛挾火與熱○亦有死血流滯者外中於風者亦有中氣者當從痰治順氣化痰半身不遂大率多痰在左屬死血無血在右屬痰有熱氣虛○在左者四物湯等加桃仁紅花竹瀝薑汁在右者二陳湯四君子等加竹瀝薑汁

痰壅盛者口眼喎邪者不能言者皆當吐

吐法輕用瓜蒂鰕汁皂角重用藜蘆五分或三分加麝香灌入鼻內或口內吐痰出一吐不已再吐之亦有虛而不可吐者

氣虛卒倒參芪補之

氣虛有痰濃參湯合竹瀝薑汁血虛宜四物湯俱用薑汁炒恐泥痰再加竹瀝薑汁入內服能食者去竹瀝加荊瀝○又法以猪牙皂角白礬等分為末薑湯調下名稀涎散血虛者四物湯補之

挾痰者亦用薑汁竹瀝

脉訣內言諸不治證見則不可治筋枯者不治舉動則筋痛者是筋枯以其無血滋潤故也

治痰氣實能食用荊瀝氣虛少食用竹瀝然此二味用開經絡行血氣入四物湯中必用薑汁助之肥白人多濕少用附子烏頭行經

初昏倒急掐人中至醒時然後用去痰藥二陳湯四物四君子等湯加減用

六鬱

戴云鬱者結聚而不得發越也當升者不得升當降者不得降當變化者不得變化也此為傳化失常六

鬱之病見矣。氣鬱者胸膈痛。脉沉澹濕鬱者周身走痛。或關節痛。遇陰寒則發。脉沉細痰鬱者動則即喘。寸口脉沉滑熱鬱者瞢小便赤。脉沉數血鬱者四肢無力。能食便紅。脉沉食鬱者噎酸腹飽不能食。人迎脉平和氣口脉緊者是也。

氣血冲和萬病不生。一有拂鬱諸病生焉。

氣鬱 香附子 蒼朮 川芎 濕 蒼朮 川芎 白芷

痰 海石 香附 南星 瓜蒌 熱 青黛 香附 蒼朮 川芎 梔子

血 桃仁 紅花 青黛 川芎 香附 食 蒼朮 香附 針砂 山查 神麴

春加芎半夏加苦參 秋冬加吳茱萸

越鞠丸 解諸鬱 又名芎朮丸

蒼朮 香附 撫芎 神麴 梔子 右為末水丸如菴豆大

凡鬱皆在中焦。以蒼朮撫芎開提其氣以升之。假如食在氣上提其氣則食自降。餘皆倣此。

痛

大風病是受得天地間殺物之氣。古人謂之厲風者。以其酷烈暴悍可畏耳。人得之者須分在上在下。夫在上者以醉仙散取涎血於齒縫中出。在下者以通天散取惡物陳蟲於穀道中出。取出雖有道之異。然皆不外乎陽明一經。治此證者須知其意。若其疔瘡與瘡上先見者。上體多者在上也。下先見者下體多者在下也。上下同得者在上復在下也。陽明胃經與大腸無物不受。此風之入人也。氣受之則在上。多血受之則在下。多氣血俱受之者。上下俱多也。自非醫者神手。病者鐵心。罕見免此。夫從上從下以漸而來者皆可治。人見其病勢之緩多忽之。雖按法施治。病已痊可。若不能忌口絕色。皆不免再發。發則終於不能救也。余曾治五人。中間惟一婦人不再發。以其貧甚而且寡。無物可食也。餘四人三四年後皆再發。孫真人云。吾嘗治四五十人。終無一人免於死。非真人不能治。蓋無一人能守禁忌耳。此婦人本病藥外又



是百餘貼。加減四物湯。半年之上。方得經行。十分安愈。治法 在上者醉仙散。在下者通天再造散。後用通神散。及三稜針於委中出血。但不能忌口。絕房者不治。

醉仙散

胡麻仁

牛蒡子

蔓荊子

枸杞子

各半兩為粗末同炒紫色

白蒺藜

苦參

防風

各半兩

右八味為細末。每一兩半入輕粉二錢拌勻。大人一錢。空心日午臨睡各一服。淡茶調下。五七日間。必然齒縫中出臭涎水。渾身覺痛。昏悶如醉。利下惡臭屎為度。量大小虛實。加減與之。

證候重而急者。須以再造散下之。候補養過還復。與此藥喫。須斷鹽醬醋諸般魚肉。椒料果子。燒炙等物。止可淡粥及淡煮熟時菜食之。如尚不可食。惟有烏梢蛇菜花蛇。可以淡酒煮熟食之。以助藥力。

力。

再造散

鬱金

半兩生用

大黃

一兩

皂角刺

一兩黑者大者

白牽牛

頭末六錢半炒半生用

右為末五錢。臨夜冷酒調下。以淨桶伺候。泄出蟲如蟲口黑色。乃是多年蟲。口如赤色。是近者。三四日又進一服。直候無蟲。即絕根也。

即絕根也。

寒主乎溫散

有卒中天地之寒氣。有口傷生冷之物。

戴云。此傷寒謂身受肅殺之氣。口食冰水果瓜冷物之類。病者必脉沉細。手足冷。息微身倦。雖身熱亦不渴。倦言語。或過病熱。誤用此法。輕者至重。重者至死。凡脉數者。或飲水者。或煩燥動搖者。皆是熱病。寒熱二證。若水火也。不可得而同治。誤即殺人。學者慎之。

傷寒

傷寒必須身犯寒氣。口食寒物者。從補中益氣湯中。加發散藥。屬內傷者。十居八九。其法邪之所湊。其氣

必虛。只用補中益氣湯中。從所見之証。出入加減。氣虛熱甚者。少用附子以行參芪之劑。如果氣虛者。方可用此法。已上傷寒治法。可用於南方。不宜於北。

暑

戴云。暑乃夏月炎暑也。盛熱之氣著人也。有冒有傷有中。三者有輕重之分。虛實之辨。或腹痛水瀉者。胃與大腸受之。惡心者。胃口有痰飲也。此二者冒暑也。可用黃連香薷飲。蓋黃連退暑熱。香薷消蓄水。或身熱頭疼。燥亂不寧者。或身如針刺者。此為熱傷在分內也。當以解毒白虎湯加柴胡。氣如虛者。加人參。或咳嗽發寒熱。盜汗出不止。脉數者。熱在肺經。用清肺湯。柴胡天水散之類。急治則可。遲則不可。治矣。賦火乘金也。此為中暑。凡治病須要明白。辨別慎勿混同。施治。春秋間亦或有之。切莫執一。隨病處方為妙。黃連香薷飲。按痰加半夏。乘虛加人參黃芪。或清暑益氣湯。加減用。

注夏

屬陰虛元氣不足。

戴云。秋初夏末。頭痛脚軟。食少體熱者。是也。補中益氣湯。去柴胡升麻。加炒黃柏。按痰止用南星半夏陳皮之類。或生脉散。出千金方。

暑風

戴云。暑風者。夏月卒倒。不省人事。是也。有因火者。有因痰者。火君相二火也。暑天地二火也。內外合而炎燔。所以卒倒也。痰者。人身之痰飲也。因暑氣入而鼓激痰飲。塞碍心之竅道。則手足不知動躍而卒倒也。此二者皆可吐。內經曰。火鬱則發之。按火按痰。實者可用吐法。吐即發散也。量其寒虛而吐之。吐醒後可用清劑調治之。

濕

戴云。濕有自外入者。有自內出者。必審其方土之致病源。東南地下多陰雨。地濕。凡受必從外入。多自下起。以腫腿脚氣者。多。治當汗散。久者宜疎通滲泄。西北地高。人多食生冷濕麵。或飲酒後寒氣怫鬱。濕不

此為試讀，需要完整PDF請訪問：www.ertongbook.com

能越作腹皮脹痛甚則水鼓脹滿或通身注腫如泥按之不起此皆自內而出也辨其元氣多少而通利其二便責其根在內也此方土內外亦互相有之但多少不同須對証施治不可執一

本草蒼朮治濕上下俱可用

二陳湯加酒芩羌活蒼朮散風行濕最妙

內傷

內傷病退後燥渴不解者有餘熱在肺家可用參苓甘草少許薑汁冷服或茶匙挑薑汁與之虛者可用人參湯世之病此者為多但有挾疫者有挾外邪者有熱鬱於內而發者皆以補元氣為主看其所挾之病而兼用藥

火

有可發者二風寒外來者可發鬱者可發

陰虛火動難治火鬱當發看何經輕者可降重則從其性升之實火可瀉小便降火甚速凡氣有餘便是火火急甚重者必緩之生甘草兼瀉兼緩人參白朮亦可人壯氣實火盛顛狂者可用正治或硝水水飲之人虛火盛狂者可用生薑湯與之若投以冰水正治立死有補陰即火自降者妙黃柏地黃之類焦山梔子仁大能降火從小便泄去其性能曲屈下行降火人所不知凡火盛者不可驟用涼藥必用溫散入方

左金丸 治肝火

黃連

兩

茱萸

一兩或半兩

水丸白湯下五十九

傷風

戴云新咳嗽鼻塞聲重者是也

屬氣者多

散宜辛溫或辛涼之劑

發症

屬風熱

戴云斑有色點而無頭粒者是也

風熱挾痰而作。自裏而發于外。通神散消息當以微汗以散之。下之非理也。內傷癰者。胃氣極虛。一身火游行於外所致。宜補以降之。發癰似傷寒者。痰熱之病發於外。微汗以散之。下之非理也。

疹

戴云疹浮小有頭粒者是。隨出即收。收則又出者是也。非若癰之無頭粒者。當明辯之。屬熱與痰在肺。清肺火降痰。或解散出汗。亦有可下者。

溫病

眾人病一般者是也。又謂之天行時疫。有三法宜補宜降宜散。入方

大黃

黃芩

黃連

人參

桔梗

防風

蒼朮

滑石

香附

人中黃

右為末。神麴為丸。五七十九分。氣血痰作湯。使氣虛。四君子湯。

血虛四物湯。痰多二陳湯。送下。如熱甚者。可用童子小便送下。

大頭天行病。東垣有方。

羌活

酒芩

大黃

酒

冬溫為病。非其時而有其氣者。冬時君子當閉藏而反發泄於外。專用補藥帶表。

入方以竹筒兩箇留節。中作一竅。納甘草於中。仍以竹木釘閉竅於大糞缸。浸一月。取出曬乾治疫毒。

瘧

有風有暑有食老瘧。瘧無痰病。

老瘧病此條風暑入陰分在臟用血藥。川芎、撫芎、紅花當歸、加蒼朮、白朮、白芷、黃柏、甘草煎露一宿。次早服之。無汗要有汗。散邪為主。帶補有汗要無汗。正氣為主。帶散有瘧母者。用丸藥消導。醋煮鱉甲為君。三稜、蓬朮、香附。隨證加減。二三日一發者。受病一年。間發者。受病半年。一日一發者。受病一月。連二日發者。

住一日者氣血俱受病。日間一日者補藥帶表藥。後用瘧丹截之。在陰分者用藥微起在陽分方可截入方

草果

知母

檳榔

烏梅

常山

甘草

川山甲

用水酒

大碗煎至半碗露一宿臨發時前二時溫服如吐則順之

截瘧青蒿丸

青蒿

冬青葉

馬鞭草

官桂

右三藥皆晒乾秤為末水丸如胡椒子大每服作

四服於當發前一時服盡

大發暑風必當發汗夏月多在風涼處歇遂閉其汗而不泄因食者從食上得瘧而虛者要用末參一二

貼托住其氣不使下陷後用他藥治內傷按外邪者同法內必主痰必以汗解二陳湯加常山柴胡黃芩

草菓

瘧而甚者發寒熱頭痛如破渴而飲水自汗可與參芪朮苓連梔子川芎蒼朮半夏等治

久病瘧二陳湯加川芎蒼朮柴胡葛根白朮一補一發

咳嗽

風寒

火主降火

勞

肺脹

火鬱

痰主降痰

氣三風寒者鼻塞聲重惡寒者是也火者有聲痰少面赤者是也勞者盜汗出兼痰者多作寒熱肺脹者

動則喘滿氣急急重痰者嗽動便有痰聲痰出嗽止五者大概耳亦當明其是否也風寒行痰閉滕理二

陳湯加麻黃杏仁桔梗

火清

金化痰降火

一本云降火清金化痰

勞四物湯中加竹瀝薑汁必以補陰為主也

肺脹而嗽者用訶子青黛杏仁訶子能治肺氣因火傷寒遂成鬱遏脹滿取其味酸苦有收斂降火之功



佐以海蛤粉香附瓜萸青黛半夏神麴

食積痰作嗽發熱者半夏南星為君瓜萸蘿蔔子為臣青黛石碱為使

火鬱嗽者訶子海石瓜萸青黛半夏香附

咳嗽聲嘶者此血虛受熱也用青黛蛤粉蜜調服

久嗽風入肺用鷲管石雄黃鬱金欬冬花研末和艾中以生薑一片留舌上炙之以烟入喉中為度

乾咳嗽者難治此條火鬱之證乃痰鬱火邪在中用苦梗以開之下用補陰降火不已則成勞傷創倉好此

証不得志者有之一本作此証不得愈者有之

嗽而脇痛宜疎肝氣用青皮等方在後二陳湯加南星香附青黛薑汁

治嗽藥大概多用生薑者以其辛散也

上半日嗽多者屬胃中有火貝母石膏能降胃火

午後嗽多者屬陰虛必用四物湯加知母黃柏先降其火五更嗽多者此胃中有食積至此時候流入肺

金知母地骨皮降肺火

火氣浮於肺者不宜用涼藥用五味五倍斂而降之有痰因火逆上者先治火後治其痰

肺虛甚者用參膏此好色腎虛有之以生薑陳皮治之大槩有痰者可加痰藥治之

治嗽多用粟殼不必疑但要先去病根此乃收後之藥也 師云陰分嗽此多屬陰虛治之

有嗽而肺脹壅遏不得眠者難治

治嗽烟倚

佛耳草

欬冬花

鷲管石

右為末用紙捲燒其烟熏之或白湯調亦得

治嗽有痰天突肺腧二穴灸治嗽泄火熱大瀉肺氣三推骨下橫過各一寸半是穴

嗽春是春升之氣用清藥二陳加溲荆之類夏是火炎上最重芩連秋是濕熱傷肺冬是風寒外來用藥



發散之後以半夏必逐去痰庶不再來

入方 治嗽劫藥

五味子兩

五倍子錢

甘草二錢

風化硝錢

右為末以蜜為丸噙化之

痰 脉浮當吐

凡治痰用利藥過多致脾氣下陷則痰反易生多

濕痰

用蒼朮 白朮

老痰

海石

半夏

瓜蒌

香附

五倍子

熱痰

用青黛 黃芩 黃連

食積痰

神麴

麥蘖

山楂子

痰在腸間胃者可下而愈痰在經絡中者非吐不可出吐法中就有發散之義也

膈上之痰必用吐之瀉亦不能去也

氣實痰熱結在上者則吐吐難得出或成塊或吐咯不出氣滯兼鬱者此則難治矣

膠固者必用吐之 吐法兼用牙茶蘆水薑汁醋少許瓜蒌散少許加防風桔梗皆升動其氣便吐也

吐法

用附子尖

桔梗蘆

人參蘆

瓜蒂不甚用

藜蘆

艾葉

芽茶

右藥此皆

自吐不用手探但藥但湯皆可吐

吐法先以布搭膊勒腰於不通風處行此法蘿蔔子半升搗和以漿水一椀濾與粗人少油與蜜旋至半

溫服後以鷲翎探吐凡用鷲翎須以搗油浸却以皂角水去其肥晒乾用之

又法用蝦帶壳半斤入醬葱薑等料物煮汁先喫蝦後飲汁以翎勾引吐必須緊勒肚腹

二陳湯一身之痰都能管如在下加下引藥如在上加上引藥 凡人身上中下有塊者多是痰也問其

平日好食何物吐下用藥

許學士用蒼朮治痰飲成窠囊一邊行極効痰挾瘀血遂成窠囊 痰之清者屬寒用二陳湯之類

內傷挾痰必用人參黃芪白朮之屬多用薑汁傳送或用半夏之屬虛甚者宜加竹瀝



痰熱者多扶風外證為多

濕痰多軟如身倦而重之類熱者清之食積者必用攻之盡則虛者用補氣藥送

因火盛逆上者治火為先白朮黃芩石膏之類中氣不足則加人參白朮痰之為物隨氣升降無處不到脾虛者補中氣二陳湯加白朮之類兼用提藥

中焦有痰則食積胃氣賴其所養卒不便虛若攻之盡則虛矣眩運嘈雜乃火動其痰用二陳湯加枳子芩連為君南星噫氣吞酸此係食鬱有熱火氣上動以黃芩為君南星半夏為臣橘紅佐之熱多者加青黛痰在膈下非白芥子不能達痰在皮裏膜外者非薑汁竹瀝不可達

痰在膈間使人顛狂健忘宜用竹瀝風痰亦服竹瀝又能養血痰在四肢非竹瀝不開痰結核在咽喉燥不能出入化痰藥加軟堅鹹藥味

杏仁

海石

桔梗

連翹

瓜蒌仁少佐朴硝

右以薑汁蜜調丸噙化之

海蛤即海石熱痰能降濕痰能燥結痰能軟頑痰能消可入丸子末子不可入煎藥黃芩治熱痰假以降其熱也竹瀝滑痰非薑汁不能行經絡也枳實瀉痰能衝牆壁五倍子能治老痰

小胃丹能治膈上痰熱風痰濕痰肩膊諸痛然能損胃氣食積痰實者用之不宜多

青礞石凡去濕痰重在風化硝

潤下丸降痰最妙

陳皮

半斤去白以水化鹽半兩拌陳皮甘草一兩

右為末蒸餅丸菴豆大每服三五十丸溫水送

下油炒半夏大治濕痰又治喘止心痛粥丸薑湯下

痰方

黃芩

心空

香附

半夏

薑製

貝母

已上治濕痰加

瓜蒌仁

青黛

作丸子治濕痰

中和丸 治濕痰氣熱

蒼朮

黃芩

半夏

香附

右各等分為末粥丸。

濕痰方亦治白濁因痰者

南星兩

半夏兩

蛤粉兩

青黛末

右為末神麴糊丸。

痰嗽方

黃芩

酒浸洗滑石兩

貝母兩

南星兩

風化半錢

白芥子半兩
去壳

導痰湯

半夏兩

南星

橘皮

枳殼

赤茯苓兩

甘草錢五

右用生薑煎服

千縉湯

半夏

七枚泡製
四片破之

皂角
去皮炙一寸

甘草寸

生薑大如指

煎服治喘。

治痰方

南星

半夏

滑石

輕粉各三錢

巴豆粒三十

用皂角仁浸濃汁丸如梧桐子大。

每服五七丸

黃連化痰丸

黃連兩

陳皮兩

吳茱萸酒浸一錢半

半夏半兩

右為末入桃仁二十四箇研如泥

和勻神麴糊丸如荳菜大每服百丸薑湯送下

消痰方

鹽元散

吳茱萸錢三

治鬱痰方

白殭蠶

杏仁

瓜蒌

訶子

貝母

喘

戴云有痰喘有氣急喘有胃虛喘有火炎上喘有痰喘者凡喘便有痰聲氣急喘者呼吸急促而無痰聲有胃虛喘者擡肩擷肚喘而不休火炎上喘者乍進乍退得食則減食已則喘大概胃中有寒火膈上有稠痰得食咽墜下稠痰喘即止稍久則食已入胃反助其火痰再升上喘反大作俗不知此作胃虛治以燥熱之藥者以火濟火也葉都督患此諸醫以胃虛治之不愈後以導水丸利五六次而安

凡久喘未發以扶正氣為要已發以攻邪為主

有氣虛短氣而喘有痰亦短氣而喘

有陰虛自小腹下火起而上者

喘急有風痰者婦人大全良方千縉湯

陰虛有痰喘急者補陰降火四物湯加枳殼半夏

氣虛者人參蜜炙黃柏麥門冬地骨皮之類

大藥喘急之病甚不可用苦藥涼藥火氣盛故也可用導痰湯加千縉湯治之

諸喘不止者用劫藥一二貼則止之劫藥之後因痰治痰因火治火椒目研極細末用一二錢以生薑湯調下止之

又法用蘿蔔子蒸熟為君皂角燒灰等分為末以生薑汁煉蜜為丸小桐子大每服五七十九丸嚥化之

哮喘專主於痰宜吐法

治哮喘必用薄滋味不可純用涼藥必帶表散

治積方用雞子畧敲殼損膜不損浸於尿缸內三四日夜取出煮熟食之効蓋雞子能去風痰

痢身熱後重腹痛下血

戴云痢雖有赤白二色終無寒熱之分通作濕熱治但分新舊更量元氣用藥與赤白帶同

身熱挾外感不惡寒小柴胡湯去人參



惡寒發熱為表証宜微汗和解。

蒼朮

川芎

陳皮

芍藥

甘草

生薑煎服。

後重積與氣鬱墜下兼升兼消。

或氣行血和積少但虛坐努力此為亡血倍用歸身尾却以生芍藥生地黃桃仁佐之復以陳皮和之或下痢而大孔痛者此因熱流於下也用。

木香

檳榔

黃芩

黃連

炒乾薑

或經退減十之七八積已盡糟粕未實當炒芍藥炒白朮炙甘草陳皮茯苓湯下固腸丸三十粒然固腸丸性燥有去濕實腸之功恐氣滯未盡者不可遽用此藥只宜單服此湯可也。

或痢後糟粕未實或食稍多或饑甚方食腹中作痛者切勿驚恐以白朮陳皮各半盞和服和之則安或久痢後體虛氣弱滑瀉不止又當以訶子肉豆蔻白礬半夏之類擇用以滋之甚則加牡蠣然須以陳

皮為佐若大泄亦能作痛又甚者灸天樞氣海。

右方用川厚朴為瀉凝滯之氣然朴太溫而散氣久服大能虛人滯氣稍行即去之餘滯未盡以炒枳殼陳皮然枳殼亦能耗氣比之厚朴稍緩比陳皮亦重滯退一半當去之只用陳皮以和諸藥陳皮去白有補瀉之兼功若為參朮之佐亦能補也。

凡痢疾腹痛必以白芍藥甘草為君當歸白朮為佐惡寒痛者加桂惡熱痛者加黃柏達者更能參以歲氣時令用藥則萬舉萬全豈在乎執方而已哉。

諸不治證

下痢純血者必死。

下痢如塵腐色者死。

下痢如屋漏者死。

下痢如竹筒注者不可治。

下痢如

魚腦者半生半死。

噤口痢

胃口熱甚故也。



黃連多加人參煮湯終日呷之。如吐了再喫。開以降之人不知此。多用溫藥甘味。此以火濟火。以滯益滯。一方臍中用田螺盒之。以引下其熱。

亦有誤服熱藥。凝藥之毒。犯胃者。當明審以祛其毒。

大黃 黃芩 黃連 黃柏 枳殼 當歸 滑石

甘草 桃仁 白芍 白朮 枳殼 右為末 神麵糊丸

孫郎中因飲水過多。腹脹瀉痢帶白。

蒼朮 白朮 厚朴 茯苓 滑石 右煎下保和丸

小兒八歲下痢純血。以食積治。

蒼朮 白朮 黃芩 白芍 滑石 茯苓 甘草

陳皮 炒麵 煎下保和丸。

又下痢法熱不止者。屬陰虛。用寒涼藥。兼升藥熱藥。

泄瀉 濕 氣虛 火 痰 食積

戴云。凡瀉水腹不痛者是濕也。飲食入胃不住。或完谷不化者。是氣虛也。腹痛瀉水腹鳴痛一陣瀉一陣。是火也。或瀉時或不瀉。或多或少。是痰也。腹痛甚而瀉。瀉後痛減者。食積也。

濕燥濕兼滲泄之。四苓散加蒼朮白朮。甚者二朮炒。氣虛用人參白朮炒芍藥升麻。

火宜伐火。利小水。黃芩木通。入四苓散。

痰積宜豁之。海石青黛黃芩神麵蛤粉。或用吐法。

食積宜消導疎滌之。神麵大黃。

已上諸藥皆作丸子服之。

凡泄瀉水多者。仍用五苓散治之。



世俗類用滋藥治痢與瀉若積久而虛者或可行之而初得之者恐必變他疾為禍不小矣殊不知多因於濕惟分利小水最為上策

止瀉方

肉豆蔻錢五 滑石春冬一兩二錢半夏一兩半秋二兩

又方薑麵丸

神麴六兩 陳麥亦可 茴香錢五 生薑一兩

當 右炒白朮炒麴炒芍藥或丸或散或湯作九子知

脾泄

治一老人奉養太過飲食傷脾常常泄瀉亦是脾泄

白朮二兩 白芍藥一兩酒拌炒 神麴一兩半炒 山查一兩半炒 半夏一兩洗 黃芩五錢 右為末

荷葉包飯燒為丸

治一老人年七十面白脉弦數獨胃脉沉滑因飲白酒作痢下血濃水儂後腹痛小便不利裏急後重參

朮為君甘草滑石檳榔木香蒼朮最少下保和丸二十五丸第二日前症俱減獨小便不利以益元散服

霍亂

戴云霍亂者吐也有聲有物凡有聲無物而躁亂者謂之乾霍亂也

轉筋不住男子以手挽其陰女子以手牽其乳近兩傍邊此乃千金妙法也

內有所積外有所感陽不升陰不降乖隔而成矣切勿與米湯食之立死脉多伏為絕

見成吐瀉不徹還用吐提其氣起大法生薑理中湯最好有可吐者有可下者吐用二陳湯加減亦可

或樟樹木煎湯吐亦可

乾霍亂



此病最難治。死在須臾。升降不通故也。此條內有所傷。外有邪氣所遏也。有用吐法者。則兼發散之義也。吐提其氣。亦是良法。世多用鹽湯。

有用溫藥解散者。其法解散不用涼藥。

二陳湯加和解散。川芎。防風。蒼朮。白芷。

嘔吐

凡有聲有物。謂之嘔吐。有聲無物。謂之噦。

有痰隔中焦者。食不得下者。有氣逆者。有寒氣鬱於胃口者。然胃中有火與痰而致嘔吐者多。

胃中有痰有熱。

朱奉議以半夏生薑橘皮為主。

孫真人誤以噦為咳逆。

劉河間謂嘔者火氣炎上。此特一端耳。

胃中有熱。膈上有痰。二陳湯加炒梔子黃連生薑。

久病嘔者。胃虛不納穀也。用。

生薑

人參

白朮

黃芪

香附

惡心 有熱 有痰 有虛

戴云。惡心者。無聲無物。心中欲吐不吐。欲嘔不嘔。雖曰惡心。非心經之病。皆在胃口上。宜用生薑。蓋能開

胃豁痰也。皆用生薑。隨證用藥。

翻胃

即膈噎。噎乃翻胃之漸。發揮備言。

戴云。翻胃有四。血虛氣虛有熱。有痰血虛者。脉必數而無力。氣虛者。脉必緩而無力。氣血俱虛者。則口中多沫。但見沫大出者。必死。有熱者。脉數而有有力。有痰者。脉數滑。二者可治。血虛者。四物為主。氣虛者。四

